

Nicolai Svsii E Societate Iesv Opvcvla Litteraria

Suys, Nicolas

Antverpiae, 1620

III. Amor.

[urn:nbn:de:hbz:466:1-69342](https://nbn-resolving.de/urn:nbn:de:hbz:466:1-69342)

*Et saxeas salebras?
Redi, redi, columba,
Nox rore virulento
Vdas coruscat alas,
Secumq; pestilentes
Dicit maligna morbos.
Redi, redi columba,*

III. Amor.

AMemus, iô! amemus,
Nouosq; semper ignes
Struamus in medullis,
De suaveolente cedro,
Nardog; cinnamoq;;
De balsamo tenella,
Quos nullus effarato
Turbo enecet furore.
Amemus, iô! amemus,
Hili nucisq; cassæ
Cuncta astimemus instar,
Quæ non litant amori
Lepidissimo Deorum.
Amemus, iô! amemus.
Queis pugnet Indus armis;
An peruicax Iberi
Neget subeſſ freno:
Quid Persa moliatur,
Fugiente victor arcu:
Quas Otomannus atrox
Funestet igne gentes:

An Moscuam Polonus,
 Equis potens virisq;
 Exciderit subactam:
 Quas Tartarus, Mogorq;
 Secum rapit phalangas,
 Gens ære ficta crudo,
 Crudove nata ferro:
 Quos Aethiops per agros
 Metatur, vt furenti
 Occurrat acer hosti,
 Nescire gloriatur.

Non tractat arma noster
 Cupido pacis Auctor.
 Amemus, id! amemus.

Quod Perianus aurum,
 Gemmasq; mittat Eos,
 Serumq; silua byssum:
 Vel quo gemunt labore
 Aegyptia carinæ:
 Vel quas anhela gazas
 Crebrisq; hiulca remis
 Latio inuehat superbo
 Portu soluta nauis.

Libyæ flagrantis æstu:
 Quis naufragis per vndas
 Spem perfidam execretur,
 Plebisq; mox marina
 Gemit futurus esca.
 Quis stipet æra cistis,
 Fuluiq; gaudet inter

Auri

Auri ambulare montes,
Amor vetat rogare.
Non flagitat procaces
Noster Cupido gazas:
Sat dines est seipso,
Quo rauca moliatur
Foro latrare rixa:
Quod iudicis tribunal
Sæuum reis minetur:
Consultor an molestus
Manè arduo diserti
Pulset fores patroni,
Amor vetat rogare.
Fugit Cupido lites:
Inimicalis amori est.
Amemus, iō! amemus.
Hæc vnica est voluptas:
Hæc ipsa suauiorum
Medulla gaudiorum.
Amemus, iō! amemus.
Dum te frui Maria
Fas est, tuoq; IES V,
Dum fas amare matrem,
Dum fas amare Gnatum,
Satis satis superq;
Mibi est beatitatus.